

CYNGOR CYMUNED LLANLLECHID LLANLLECHID COMMUNITY COUNCIL

Clerc a Phrif Swyddog Cyllid
Clerk and Chief Financial Officer

Donna Watts

01248 602131

CyngorLlanllechid@ogwen.org

26 Stryd Fawr

Bethesda

Gwynedd

LL57 3AE

Cofnodion Cyfarfod Cyffredinol a gynhaliwyd yn Festri Bethlehem, Talybont ar nos Iau 12 Medi, 2019 am 1900

1. PRESENNOL:

Ward Llanllechid Isaf

Y Cynghorydd Megan Tomos

Y Cynghorydd Margaret Fernley

Y Cynghorydd Geraint Hughes

Y Cynghorydd Alun Thomas

Y Cynghorydd Wyn Bowen Harris

Ward Llanllechid Uchaf

Y Cynghorydd Kevin Williams

Y Cynghorydd Dafydd Jones

Y Cynghorydd Jên Morris

Croesawyd pawb i'r cyfarfod gan y Cadeirydd y Cyng. Geraint Hughes.

2. Ymddiheuriadau gan y Cyng. Myfanwy Jones a Evan Jones.

3. Cofnodion

Penderfynwyd derbyn a chadarnhau cofnodion y cyfarfod a gynhaliwyd ar 11 Gorffennaf, 2019.

4. Materion yn codi o'r cofnodion

Diffibriliwr – adroddwyd bod pwyllgor y Capel yn fodlon gyda gosod yr offer ar y wal tu ôl i'r Capel, yn Bro Emrys. Felly penderfynwyd bydd y Clerc yn archebu'r diffibriliwr. Dim ymateb gan BT hyd yn hyn ynglŷn a mabwysiadu'r ciosg yn Llanllechid.

Crymlyn, Aber - problem gyda lori fawr wedi dod lawr y ffordd ac wedi achosi difrod i'r bwthyn ac wedi bod yn sownd yno dros nos. Y Clerc i holi unwaith eto am yr arwyddion 'sat nav'. Cafwyd ymateb bod ddylai'r arwyddion fod i fyny yn yr 2-3 wythnos nesaf.

Airfields of Britain Conservation Trust - y plac coffa wedi ei osod. Y Cyng. Megan Tomos wedi cysylltu gyda Ysgol Llanllechid ynglŷn a gwneud gwaith paratoi gyda'r ysgolion cyn cael ymweliad, ond dim ymateb hyd yn hyn.

Allt Ty'n Hendre – twll yn y wal, ar yr ochr dde ar y ffordd i lawr, wedi cael ei drwsio.

Ffordd wrth Wern Bach – twll wedi ymddangos yn y lôn unwaith eto. Y Clerc i hysbysu Cyngor Gwynedd. Y Cyng. Dafydd Meurig am holi hefyd.

Llwybr cyhoeddus yn Tan y Garth – draen o dan y ddaear wedi rhoi yn un o'r caeau, sy'n rhwystro'r llwybr cyhoeddus. Cyngor Gwynedd wedi bod i wneud archwiliad ar y safle, ond ni darwyd ar draws unrhyw ddiffyg amlwg i'r draen. Bydd angen rhagor o archwiliad i'r draen hwn er mwyn dod o hyd i'r linell gywir.

Llifogydd Tan Lôn – Cyngor Gwynedd wedi bod i archwilio'r safle. Bydd y gwaith tacluso'n cael ei gyflawni cyn gynted a bod adnoddau'n caniatáu.

Cae chwarae Tal y bont –angen cadarnhad o gyflwr y fainc.

Draeni ar Lon y Bryn – 4 sinc wedi codi ac yn rhedeg yn chwithig. Y Clerc i hysbysu Cyngor Gwynedd.

Mynydd i Parc Main – defaid yn mynd drwodd i'r mynydd gan nad oes rhwystr yno. Y Clerc i hysbysu Stad Penrhyn. Dim ymateb hyd yn hyn.

Lôn y Bryn – peipen wedi blocio. Adroddwyd bod y beipen wedi ei lanhau.

Lôn Bronydd – gwaith wedi ei wneud ar y ffordd i lenwi'r tyllau. Wedi cael ei wneud yn wael, y 'tarmac' heb gael ei wneud yn wastad. Cafwyd eglurhad mai gwaith dros dro oedd hyn ac bod y gwaith clytio parhaol ar raglen waith y Cyngor.

Ynni Cymunedol – y Cyng. Geraint Hughes yn awyddus cael sesiwn ar y pwnc yn y Ffestri.

5. Taliadau

Awdurdodwyd y taliadau canlynol:

J Johnson-torri gwair Talybont	£200.00
J Johnson-torri gwair cae chwarae	£200.00
Zoll – diffibriliwr	£960.00
Pawle & Co – Cabinet gyda clo	£460.80
SADS UK – rhodd	£50.00
Ysgol Dyffryn Ogwen – ysgoloriaeth	£100.00
Tir a Choed – cynnal a chadw llwybrau	£240.00
Capel Bethlehem – llogi'r Ffestri	£110.00

6. Gohebiaeth

Cyflwynwyd – contract i'w arwyddo i fabwysiadu ciosg ffôn Llanllechid. Penderfynwyd bydd y Clerc yn arwyddo'r ddogfen ac yn ei anfon at BT.

Cyflwynwyd – e-bost gan Cyngor Gwynedd ynglŷn a Gorchymyn Arfaethedig Cyfyngiad Pwysau 7.5T ac Eithrio Mynediad ar Ffordd Rufeinig – Cyffordd 12 (A55) heibio Tai Meibion i Abergwyngregyn. Roedd yr aelodau yn teimlo bod cerbydau 7.5T braidd rhy fawr i'r ffordd yma, ac yn meddwl buasai arwydd yn dynodi 'anaddas i gerbydau mawr' a chyfyngiad lled yn fwy addas, gan bod y ffordd yn gul ofnadwy mewn rhannau. Y Clerc i anfon y sylwadau ymlaen at Gyngor Gwynedd.

Cyflwynwyd- e-bost gan Cyngor Gwynedd-ymgynghoriad Llechi Cymru. Arolwg ar lein i'w lenwi drwy'r ddolen. Pawb i'w lenwi fel unigolion.

Cyflwynwyd – e-bost gan Parc Cenedlaethol Eryri-nosweithiau'r Awdurdod gyda Cynghorau Tref a Chymuned. Y Cyng. Kevin Williams, Alun Thomas a Dafydd Jones am fynychu'r digwyddiad yn Plas y Brenin, Capel Curig 30 Medi 2019.

7. Adroddiad Cyllid

Pawb am dderbyn copi dros e-bost (problem gyda'r argraffydd)

8. Y Mynydd

Cafwyd adroddiad gan yr Is-bwyllgor Mynydd ynglŷn a'r diweddaraf gyda'r achos llys. Hefyd penderfynwyd bod angen egluro i'r porwyr (yn y llythyr blynyddol) pam bod angen codi'r ffioedd eleni. Y Clerc i anfon y llythyrau dyrannu at y porwyr cyn gynted a bo modd.

Y Bugail wedi tynnu sylw'r Cyngor bod angen gwneud gwaith i adnewyddu'r sêd yn Llan. Penderfynwyd bod hyn angen ei wneud. Y Cyng. Kevin Williams yn fodlon helpu'r Bugail.

9. Adroddiadau gan gynrychiolwyr

Noson wobrwyo Ysgol Dyffryn Ogwen – y Cyng. Jên Morris wedi mynychu ar ran y Cyngor i gyflwyno'r rhodd. Noson wych yn dathlu amryw o ddawniau, nid ar gyfer y pynciau academaidd yn unig.

10. Penderfyniadau Cynllunio:

NP3/21/9D

8 Ciltwillan, Gerlan, Bethesda

Dymchwel yr ychwanegiad ochr presennol a codi estyniad unllawr newydd, dymchwel y ffenestri dormer tô fflat presennol ar flaen a cefn yr eiddo a gosod dormer newydd yn y cefn.

Penderfyniad: Caniatawyd, gydag amodau.

C19/0556/21/LL

Fferm Talybont Uchaf, Tal y Bont, Bangor

Newid defnydd adeilad amaethyddol i weithdy mecanig trin peiriannau cychod.

Penderfyniad: Gwrthwynebu – e-bost wedi ei anfon gyda nifer o bryderon.

Pwyllgor Cynllunio i gyfarfod 23 Medi 2019.

Ceisiadau Cynllunio:

NP3/21/35G

Pant Hwfa, Llanllechid

Cais rhannol ôl-weithredol ar gyfer newid defnydd tir i faes gwersylla

Penderfyniad: Dim gwrthwynebiad, cyn belled ag ei fod yn cydymffurfio â'r holl amodau. Ar hyn o bryd mae'r pebyll yn glaer wyn, nid ydynt yn asio gyda'r tirwedd.

11. Materion Brys

Llwybr Llwyn Bleddyn –(y cae dros y ffordd i Maes Bleddyn) wedi gor-dyfy ac angen sylw. Y Clerc i holi'r contractwr.

Palmant ger Capel Bethlehem – problem gwelededd gyda'r nos, ddim yn gallu gweld ei ymyl a ceir yn ei daro.